

ZA PROGRAM (SAMO)UPOŠLJAVANJA U ZDK VEĆ APLICIRANO ZA 8.100.000 KM

Po programu Uredbe Vlade FBiH upošljavanja i samoupošljavanja Ze-do kanton je dobio 9.385.000 KM. Po posljednjim informacijama iz Federalnog zavoda za zapošljavanje , a zaključno sa danom 07. 3. 2016. godine, već su podnesene aplikacije za cca 8.100.000 KM (86.37 %). Program upošljavanja mladih neuposlenih osoba, na koje su aplicirali poslodavci, je iskoristio finansijska sredstva u iznosu od cca 5.200.000 KM , a kroz program samoupošljavanja (registracija novih privrednih subjekata-obrta) aplicirano je u iznosu od 2.900.000 KM.

Sudeći po ovim rezultatima JU Služba za zapošljavanje ZDK je zadovoljna jer je, u proteklom periodu, uložila jako puno napora na prezentaciji aktualnih programa upošljavanja prezentirajući iste u svih 12 općina ZDK. Naravno, velike zahvale duguju svim budućim poduzetnicima koji su u fazi registracije svojih privrednih subjakata-obrta, poslodavcima na iskazanom interesu za upošljavanje novih radnika kao i njihovim udrugama i razvojnim agencijama na potpori tijekom prezentacije programa. Uz potporu resornog Ministarstva za rad, socijalnu politiku i izbjeglice u Vladi ZDK, ovom uspjehu su doprinijeli i brojni mediji koji nas vrlo odgovorno i profesionalno prate u našem radu izjavio je direktor/ravnatelj Službe Marinko Kelavić.



OLYMPUS DIGITAL CAMERA